

November 2021

SLOWENIË EN PASSIESPEL

11 – 20 September 2022

NADERE BESONDERHEDE

TOERPRYS: R45 520 plus Lughawebelasting en Fooitjies van ongeveer R6 886 asook koste van reisversekering en visum (sien NIE INGESLUIT BY DIE TOERPRYS NIE).

INGESLUIT BY DIE TOERPRYS:

- Retoervliegkaartjies met Lufthansa / Swiss Air Johannesburg – Frankfurt – Ljubljana
Zürich – Johannesburg
- Vervoer per luukse bus
- Akkommodasie in viersterhotelle in Bled en Salzburg
- Twee uitgebreide maaltye per dag
- Alle ekskursies en toegangsgeld soos op toerprogram aangedui
- Verblyf (twee nagte) en twee etes per dag in die omgewing van Oberammergau
- Passiespelpakket wat kategorie 1-Passiespelkaartjie en Engelse handleiding insluit
- Ervare toerleier(s) wat die groep vergesel

NIE INGESLUIT BY DIE TOERPRYS NIE

- Lughawebelasting: ± R5 806
- Fooitjies vir gidse, busbestuurder(s) en hotelpersoneel: ± R1 080. Dit word vooraf in SA betaal
- Visumkoste: Schengenvisum ± R1 900
- Reisversekering, waarvoor u later volledige besonderhede sal kry
- Binnelandse aansluitingsvlugte na O.R. Tambo-lughawe (indien van toepassing)
- Paspoorte – verkryging daarvan
- Vervoer na en van SA lughawens
- Persoonlike uitgawes soos telefoonoproep, aandenkings, drankies en ekstra verversings gedurende die toer
- Enkelkamerbybetaling: R4 500

ENKELVERBLIF

Toerlede kan enkelverblyf in hotelle kry, mits hulle bereid is om 'n bedrag by te betaal – sien vorige punt.

BELANGRIK: Daar is beperkte enkelkamers in Oberammergau beskikbaar. Indien u as enkeling reis, moet u bereid wees om in Oberammergau (twee nagte) met een van die ander enkellopende toerlede 'n hotel-/gastehuiskamer te deel. Ons sal uit die enkellopende toerlede die mees geskikte plasing vir akkommodasie in Oberammergau probeer maak.

INSKRYWING

Vul asseblief 'n Inskrywingsvorm in, al het u dit reeds voorheen gedoen. Sodoende kan ons seker maak dat ons u mees onlangse besonderhede het en dat daar nie verwarring ontstaan nie.

'n Inskrywing is geldig wanneer ons u deposito **tesame** met die Inskrywings- en Vrywaringsvorm ontvang het. Die Inskrywingsvorm moet volledig voltooi word met u **volle name soos dit op u paspoort verskyn!**

U ontvang binnekort Omsendbrief 1 met onder andere besonderhede in verband met klere wat u moet saamneem en dies meer. Daarna ontvang u nóg omsendbriewe met nuus en inligting. **Laat weet ons asseblief indien enige van u kontakliging soos adres-, e-posadres of telefoonnommer(s) verander.**

BEREKENING VAN TOERPRYS

'n Toerprys bestaan hoofsaaklik uit die koste van die vliegkaartjie plus die landreëlings en kan aangepas word indien omstandighede buite ons beheer dit noodsaak. Die vliegkaartjie se prys verander nie. Die prys van die lughawebelasting is aan die wisselkoers en brandstofprys gekoppel en word bepaal op die dag van uitreiking.

DEPOSITO'S

Daar is verskillende deposito's ter sprake: 'n Toerdeposito en 'n Passiespeldeposito.

Toerdeposito: R8 000 per persoon

Passiespeldeposito: R12 000 per persoon

FINALE BETALING

Die volle toerprys plus alle ander geld (fooitjies, reisversekering ens.) vir die toer moet vóór **11 Mei 2022** betaal word.

WYSE VAN BETALING

- Vliegkaartjies en lughawebelasting kan per kredietkaart of direk aan *CvW-Toere* betaal word. U sal op die Vliegkaartjiebestelvorm, wat u met omsendbrief 1 ontvang, u keuse van betaling kan invul.
- **Bankdeposito/EFT:** Word deur inbetalings/elektroniese oorplasings aan *CvW-Toere* gemaak.
- **Kontantinbetalings:** Ons aanvaar ongelukkig nie meer kontant by ons kantoor nie. Betaal asb. kontant by Standard Bank in.

Alle geld wat in banknote inbetaal word, moet die ekstra kontantinbetalingskoste insluit. Vra asseblief u bank hoeveel dit beloop (ongeveer **1% van die inbetalingsbedrag** kan hiervoor begroot word).

Bankbesonderhede:

Christine van Wyk-Toere

Standard Bank Tjekrekening (Lopende rekening / *Current account*)

Takkode: **051001**

Tjekrekeningnommer: **410 722 782**

NB: Gebruik u VOORLETTERS EN VAN as verwysing met betalings en nie die toer se naam of u noemnaam nie.

KANSELLASIE

Indien u genoodsaak is om u toer te kanselleer, geld die volgende voorwaardes en terugbetalings:

Terugbetaling van Passiespeldeposito

Omdat *CvW-Toere* die volle Passiespelpakkette aan Oberammergau oorbetaal, loop ons die risiko om die geld te verloor indien u u bespreekte plek op 'n toer kanselleer en dié plek nie deur iemand anders geneem word nie. Indien u genoodsaak is om te kanselleer kan ons slegs u Passiespeldeposito terugbetaal indien ons daarin slaag om u Passiespelpakket te herverkoop.

Terugbetaling van toerdeposito

Ingeskrewe toerlede wat vóór **11 April 2022** skriftelik kanselleer, kry **R7 500** per persoon van die toerdeposito terug. Toerlede wat **daarna, tot 11 Mei 2022** kanselleer, kry **R7 000** per persoon terug. **Ná 11 Mei 2022** word **geen deposito's** terugbetaal nie.

Indien 'n toerlid genoodsaak is om vanweë siekte te kanselleer voordat die finale toerprys betaal is (dit wil sê vóór **11 Mei 2022**), word die volle deposito minus R500 per persoon by voorlegging van 'n doktersertifikaat terugbetaal.

Toerdeposito's van toerlede wat kanselleer, word terugbetaal wanneer die toer se finansies afgesluit word.

VLIEGKAARTJIES EN EIE VLUGTE

Alle vliegkaartjies word deur **FERNWEH TRAVEL** uitgereik. Die toerprys sluit vliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie die groepvlug gebruik nie, kan u die prys van die groepvliegkaartjie van die toerprys aftrek.

Die bedrag ter sprake is: **R2 970**

WEGBREKERS

Dit is moontlik om voor of ná afloop van die toer op u eie te reis (met ander woorde van die bestaande toerprogram weg te breek). U kan steeds die groepvlug gebruik, maar u moet u vlugte met Benita van Fernweh Travel bevestig. Die lugdiens hef 'n **wegbrekersfooi** van ongeveer **R500** indien u u groepvlug wil aanpas.

Kontak **Benita** by **Fernweh Travel (verkieslik per e-pos)** vir meer inligting en reëlings in verband met wegbreekvlugte.

KONTAKBESONDERHEDE Benita Venter Fernweh Travel:

E-pos: benita.venter1@gmail.com

Tel: 072 935 3679

PASPOORTE (DRINGEND!)

Maak asseblief seker dat u paspoort vir minstens 3 maande ná u terugkeerdatum uit Europa geldig is. Daar moet ook genoeg spasie – **minstens drie opmekaarvolgende skoon bladsye** – in u paspoort wees. Dit is vir visums en doeanestempels.

LW: Dit neem tyd om 'n nuwe paspoort uit te reik. Indien u paspoort nie reg is nie, kan dit veroorsaak dat u nie betyds u visum bekom nie.

MINDERJARIGES WAT SAAM MET U REIS (Indien van toepassing):

BAIE BELANGRIK: Alle visumaansoeke vir minderjariges moet saam met 'n oorspronklike *unabridged*-geboortesertifikaat ingedien word. 'n *Unabridged birth certificate* verskil van die standaardgeboortesertifikate wat deur Suid-Afrika se Departement van Binnelandse Sake uitgereik word. Dit bevat onder andere die kind asook albei ouers se volle name en identiteitsnommers op één, amptelike dokument.

Kontak ons indien u beplan om minderjariges saam met u op reis te neem.

GESONDHEID EN TOERFIKSHEID

Dit is vanselfsprekend dat iemand wat oorsee wil reis, se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Hierdie toer is veeleisend, aangesien die meeste van die stadstoere en besoekpunte op die toerprogram te voet aangedurf word. Toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien sodat hulle nie heelyd van mede-toerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in-en-uit 'n toerbus of boot moet kan klim, onafhanklik 'n stel van 15 trappe, insluitend roltrappe, kan klim en ongeveer 1 km op jou eie moet kan stap. 'n Mens moet deurentyd jou eie handbagasie kan hanteer en bereid wees om jou groot (inweeg)tas by jou hotelkamer te besorg indien daar nie bagasiediens beskikbaar is nie. U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap. Indien u nie aan hierdie riglyne voldoen nie, MOET u iemand saamneem wat na u kan omsien.

COVID

Dit blyk dat 'n bewys van inenting teen die Coronavirus ('n sogenaamde 'inentingspaspoort') voortaan noodsaaklik vir internasionale reis sal wees. Hou dit solank in gedagte. Ons sal u op hoogte van die verwickelinge en vereistes hou.